

論語新讀本卷十一

唐文治蔚芝甫著

先進篇第十一

◎子曰。先進於禮樂。野人也。後進於禮樂。君子也。

先進後進猶前輩後輩。野人郊外細民之稱。君子賢士大夫之

謂先進於禮樂。文質得宜。今反謂之野人。後進於禮樂。文過其質。今反謂之君子。此孔子述時人之言如此。不自知過於文也。

如用之。則吾從先進。用之。用禮樂。孔子從先進。蓋欲損過就中而行周禮也。

○子曰。從我於陳蔡者。皆不及門也。

言弟子之從我而厄於陳蔡者。皆不及仕進之門。而失其所蓋傷道之不行也。

德行。顏淵。閔子騫。冉伯牛。仲弓。言語。宰我。子貢。政事。冉有。季路。

文學。子游。子夏。

記者記此四科。明諸賢皆治國之才也。德行爲首。言語政事次之。文學又次之。蓋聖門所重在立德立功立言。

○子曰。回也。非助我者也。於吾言無所不說。

助我若子夏之起子顏子於聖人之言。歎識心通無所疑問。故夫子云然。其辭若有

從去聲

行去聲

說音悅

憾焉其實
乃深喜之

問去聲

○子曰孝哉閔子騫。人不問於其父母昆弟之言。孝哉一句人言也。父母昆弟皆稱閔子之孝而他人不問於其

言故夫子引

其辭而贊之

三妻並去聲

○南容三復白圭。孔子以其兄之子妻之。詩大雅抑之篇曰白圭之玷。尙可磨也。斯言之玷不可爲也。南容一日三復此言。孔子以兄子

妻之因其慎言而
而知其謹行也

好去聲

○季康子問弟子孰爲好學。孔子對曰有顏回者好學。不幸短命

死矣。今也則亡。哀公康子之問同。而對較有詳略

梓音郭

○顏淵死。顏路請子之車以爲之椁。顏路淵之父。名無繇。梓外棺。請爲梓欲資車以買梓也。或云禮以乘馬束帛車馬送於有喪者曰贈。是贈喪之禮本

有車馬。今顏子死。夫子亦必有贈。而顏路復請子之車以爲椁。哀痛迫切。不遑計及於禮之當否也。

子曰才不才亦各言其子也。鯉也死。有棺而無椁。吾不徒行以

爲之椁。以吾從大夫之後。不可徒行也。

鯉孔子之子伯魚也。先孔子卒。言鯉之才雖不及顏淵。然已與顏路以父視之。則皆子也。孔子

時已致仕。尚從大夫之列。言後謙辭。

喪去聲

○顏淵死。子曰。噫。天喪予。天喪予。

噫。傷痛聲。悼道無傳。若天喪已也。

從去聲

○顏淵死。子哭之慟。從者曰。子慟矣。

慟。哀過也。

曰。有慟乎。

哀傷之至。不自知也。

爲去聲

非夫人之爲。慟而誰爲。

夫人謂顏淵。言其死可惜。哭之宜。慟非他人可比。

○顏淵死。門人欲厚葬之。子曰。不可。

喪其稱家之有無。貧而厚葬。不循理也。故夫子止之。

門人厚葬之。

蓋顏路聽之。

子曰。回也。視子猶父也。子不得視猶子也。非我也。夫一。三子也。

歎不得如葬鯉之得宜。以痛死者之不安。語重而情尤長。

夫音扶

焉於虔反

行胡浪反
樂音洛

中夫
去音扶
聲

○季路問事鬼神。子曰：「未能事人，焉能事鬼。敢問死。」曰：「未知生，焉

知死。

問事鬼神，蓋求所以奉祭祀之意。問死，殆研究魂升魄降之理。聖人重人道而不重神道，且談幽冥則開人迷信之門，故答之如此。見為學當在人事日用之實也。

○閔子侍側，閭閻如也。子路行，行如也。冉有子貢，侃侃如也。子樂

閭閻和悅貌。行行剛強貌。侃侃剛直貌。子樂者樂得英才而教育之。

若由也，不得其死然。

言子路過剛處亂，世不得以壽終。

○魯人為長府。

長府藏名。藏貨財曰府。為改作也。或云魯人指魯昭公長府儲甲兵貨藏之地。昭公欲據之以伐季氏，因毀壞而有所改作，以為不虞之備。

閔子騫曰：「仍舊貫，如之何。何必改作？」

仍因也。貫事也。因循事為善，何必勞民傷財以改作。或云季氏得民心已久，非可以力相制，故閔子諷以

之止。

子曰：「夫人不言，言必有中。」

中者，中於理也。蓋其不欲勞民為仁人之言也。

○子曰：「由之瑟，奚為於丘之門？」

言其聲之不和，與己不同也。聲音之道，與性情通。子路性剛，故其鼓瑟有激烈殺伐之聲，而不足於中和。夫子因以戒之也。

門人不敬子路。子曰：由也升堂矣，未入於室也。

門人以夫子之言故不敬子路。升堂入室喻入道之次第。言子

路之學已造乎正，大高明之域，特未深入精微之奧耳。

○子貢問師與商也孰賢。子曰：師也過，商也不及。

子張才高意廣而事事好為其難，故常過中。子夏篤信謹守而

規模未免狹隘，故常不及。

曰：然則師愈與？

愈猶勝也。

子曰：過猶不及。

道以中庸為至，賢智之過雖若勝於愚，不肖之不及然其失中則一也。

○季氏富於周公而求也為之，聚斂而附益之。

周公天子之卿，如左氏傳周公黑肩周公忌父，周公孔之類，非成王時所

封周公且也。富謂食采之地所入。季氏以諸侯之卿而富過於天子之卿，故曰富於周公。冉求為季氏宰，又為急賦稅以益其富，聚斂財而聚之府庫也。

子曰：非吾徒也，小子鳴鼓而攻之可也。

非吾徒絕之也。小子鳴鼓而攻，使門人聲其罪以責之也。孟子曰：君不行仁政而富之，皆棄於

孔子者也。

與平聲

為去聲

辟婢亦反

空去聲

中去聲

○柴也愚。柴孔子弟子。姓高。字子羔。愚者智不足而厚有餘。

○參也魯。魯鈍也。言其學從艱苦而得也。先儒云參也。以魯得之。蓋曾子誠篤故能卒傳孔子之道。

○師也辟。辟便辟也。習於儀容少誠實也。

○由也喭。喭粗俗也。四者性之偏語之使知自勵也。

○子曰。回也其庶乎。屢空。庶近也。言近道也。屢空數至空匱也。言不以貧窶動心以求富而樂在其中。

○賜不受命而貨殖焉。億則屢中。命謂天命。貨殖貨財生殖也。億意度也。言子貢不如顏子安貧樂道。然其才識之明亦能料事而多中也。

○子張問善人之道。子曰。不踐迹。亦不入於室。踐迹循途守轍。言善人之於聖賢。不必步步趨亦趨而亦能為善室。聖人之奧室。言善人質美未學。亦不能入聖人之室。勉其好學也。

○子曰。論篤是與。君子者乎。色莊者乎。

言但以其言論篤實而與之。則未知其為君子者乎。抑偽為色莊者乎。言不可以言貌取人也。

女音汝

與平聲

曾音曆

◎子路問聞斯行諸子曰有父兄在如之何其聞斯行之冉有問聞斯行諸子曰聞斯行之公西華曰由也問聞斯行諸子曰有父兄在求也問聞斯行諸子曰聞斯行之赤也惑敢問子曰求也退故進之由也兼人故退之

冉求之資稟失之弱不忠其不稟命也特患畏縮不前耳故夫子教之以進因材施教歸於中道而已

兼人勝人也聞義固當勇為然有父兄在必須稟命而行不可得而專者子路務在勝人夫子恐於稟命有關故教之以退

◎子畏於匡顏淵後子曰吾以女為死矣曰子在回何敢死

後遇難相失在後何

敢死謂不掛門而致死也古者師弟相依有如性命感情之厚因道義相結而尤深也

○季子然問仲由冉求可謂大臣與

子然季氏子弟自誇其家得用由求故問之

子曰吾以子為異之間曾由與求之間

異非常也曾猶乃也輕二子以抑季然

所謂大臣者以道事君不可則止

以道事君者不從君之欲不可則止者必行己之志

與平聲

費音秘

夫音扶

惡去聲

長上聲

今由與求也可謂具臣矣。具臣謂備臣數而已。

曰然則從之者與。言由求既非大臣則專從季氏之所為否。

子曰弑父與君亦不從也。言由求雖為季氏之臣然於大義則聞之熟矣弑逆大故必不從之言此所以抑季氏不臣之心。

○子路使子羔為費宰。子路為季氏宰而舉之也。

子曰賊夫人之子。賊害也言子羔質美未學遽使治民適以害之。

子路曰有民人焉有社稷焉何必讀書然後為學。社土神稷穀神古者建國則築壇以為神主子路之意言治民事神皆所以為學。

子曰是故惡夫佞者。仕必本於學子路之言非其本意但理屈詞窮而取辨於口耳故夫子不斥其非而特惡其佞戒其勿過為大言而使人受其實害也。

○子路曾皙冉有公西華侍坐。曾參父名點。

子曰以吾一日長乎爾毋吾以也。一日長言為之師也毋吾以者言勿以師長在前而皆謙退不言也。

乘去聲
比必二
反下同
晒音矧

相去聲
鏗苦耕反
舍上聲莫
同暮
冠去聲

居則曰不吾知也。如或知爾，則何以哉？
言爾平居則言人不知我，如或有人知爾，則將何以爲用也。

子路率爾而對曰：千乘之國，攝乎大國之間，加之師旅，因之

以饑饉，由也。爲之比及三年，可使有勇，且知方也。夫子晒之。
率爾，輕遽貌。攝，管束也。二千五百人爲師，五百人爲旅。謂加以敵國師旅之侵伐也。因，仍也。殺不熟曰饑，不熟曰饉。謂頻年荒歉也。方向，謂向義也。民向義則能親其上，死其長矣。晒，微笑也。

貌攝管束也。二千五百人爲師，五百人爲旅。謂加以敵國師旅之侵伐也。因仍也。殺不熟曰饑，不熟曰饉。謂頻年荒歉也。方向，謂向義也。民向義則能親其上，死其長矣。晒，微笑也。

求爾何如？對曰：方六七十，如五六十，求也。爲之比及三年，可使

足民。如其禮樂，以俟君子。
求爾何如？孔子問也。方六七十里，小國也。如，猶或也。五六十里，則又小矣。足，富足也。俟，君子言非己所能，此再行謙退之辭。

赤爾何如？對曰：非日能之，願學焉。宗廟之事，如會同、端章甫，願

爲小相焉。
宗廟之事，謂祭祀。會同者，諸侯朝於天子及諸侯互相見之禮。端，玄端服，即玄裳也。章甫，禮冠也。相贊君之禮者，言小亦謙辭。

點爾何如？鼓瑟。希鏗爾，舍瑟而作。對曰：異乎。三子者之撰，子曰：

何傷乎？亦各言其志也。曰：莫春者，春服既成，冠者五六人，童子

六。七。人。浴。乎。沂。風。乎。舞。雩。詠。而。歸。夫。子。喟。然。歎。曰。吾。與。點。也。希問

鏗。爾。鼓。瑟。之。餘。聲。作。起。也。撰。猶。具。也。莫。春。季。春。三。月。春。服。單。袷。衣。冠。者。成。人。之。稱。浴。洗。濯。沂。水。名。在。魯。城。南。風。乘。涼。也。舞。雩。祭。天。禱。雨。之。處。有。樹。木。詠。詠。先。王。之。道。歸。夫。子。之。門。吾。與。點。者。傷。世。不。吾。用。雖。有。三。代。之。英。而。將。隱。居。以。老。也。先。儒。以。為。聖。人。與。點。之。意。以。其。胸。次。悠。然。上。下。與。天。地。同。流。不。若。三。子。規。規。於。事。為。之。末。愚。謂。聖。人。用。世。之。志。因。曾。點。之。言。而。興。感。故。與。之。不。必。言。之。太。高。更。不。必。抑。三。子。也。

三。子。者。出。曾。皙。後。曾。皙。曰。夫。三。子。者。之。言。何。如。子。曰。亦。各。言。其。志。也。已。矣。

曰。夫。子。何。哂。由。也。點以子路之志乃所優為而夫子哂之故請其說

曰。為。國。以。禮。其。言。不。讓。是。故。哂。之。夫子蓋許其才特哂其不遜

唯。求。則。非。邦。也。與。安。見。方。六。七。十。如。五。六。十。而。非。邦。也。者。曾點不解夫子之意

以子路既以為邦見哂故微問子曰唯求則非邦也與不知千乘之國固為邦而方六七十如五六十亦為邦也此亦夫子許求之辭

唯。赤。則。非。邦。也。與。宗。廟。會。同。非。諸。侯。而。何。赤。也。為。之。小。孰。能。為。

之大。此亦曾皙問而夫子答也。孰能爲之大言無能出其右者亦許之之辭。

◎先進篇大義

悲哉。聖人用世之心也。子曰甚矣吾衰也。久矣吾不復夢見周公。先進首章曰。如用之則吾從先進。從周公之禮樂也。懷周公也。吾夫子欲以興魯者。興天下非一日矣。四科之選皆王佐之才。不見用於世而困阨於陳蔡間。絕糧興歎。夫子思之所爲。黯然而神傷者也。顏子閔子。夫子又特加以贊語。南容三復白圭。邦有道不廢者也。季康子問弟子。孔子獨薦顏淵爲好學。而顏子卒。早天子哭之慟。嗚呼。子在回。何敢死。其言猶在耳也。天阨聖人而俾無助我之人。天意蓋可知也。政治之學不貴以神道設教。曾於爲政篇。

未發明之而雍也篇又曰務民之義敬鬼神而遠之此亦政治之綱要兩答子路之問亦此義也閔子侍側聞聞如子路行行如冉有子貢侃侃如子樂者樂其皆用世之才也善爲政者不務更張其名而在力行實事仍舊貫何必改作閔子眞治世才也其不就費宰宜哉由之瑟不協於中和賜與商過猶不及治世之才不宜有所偏也理財之本端在生財國雖貧弱決不可爲搜括聚斂之事求非吾徒也不僅爲吾黨戒也爲今之從政者戒也一柴也參也師也由也回也賜也其材質行事不同其歸於有用一也不踐迹亦不入於室當引而進之論篤而色莊當斥而遠之此不獨設科教人之法亦用人之方也求也退故進之由也兼人故退之陶

鑄人才之道在於無形之中至矣盡矣匡之役猶陳蔡之役也踽
踽涼涼者獨悲顏子一人而已季子然何如人也不可與言而與
之言則曰由求具臣而已此爲二子韜晦之詞也大官大邑身之
所庇而令學者嘗試焉微特開躁進之門民人社稷所傷實多此
尤晚近以來之大害也記者因孔子之從先進而序弟子列傳以
記人才之盛意固昭然吾讀四子侍坐章而益有感焉居則曰不
我知也如或知爾則何以哉聖人用世之心縈於夢寐之間溢於
語言之表而三子之對則皆用世之事也乃世不我用至於莫春
成服浴沂風雩而猥與童冠之徒詠歌自適以終其身也夫子喟
然歎曰吾與點也蓋大道之行與三代之英所以有志而未逮也

唯求則非邦也。與唯赤則非邦也。與反覆之間而益足感聖人用世之心也。蓋至是而夫子從先進之志。沈然其無聞也。至是而夫子夢周公之志。渺乎其不復也。洙泗之人才皆風流而雲散也。嗚呼。其可悲也。伊可痛也。」

論語新讀本卷十二

唐文治蔚芝甫著

顏淵篇第十二

◎顏淵問仁。子曰：克己復禮為仁。一日克己復禮，天下歸仁焉。為

仁由己，而由人乎哉。

仁者本心之全德，克勝也。己身之私欲也。復反也。禮，天理之節文也。為仁者能絕去人欲，保存天理，則無往而非仁矣。歸猶與也。一日克己復禮，則天下之人皆與其仁。

極言其效之甚速而至大也。由己不由人言當求之在我，即仁遠乎哉之意。

顏淵曰：請問其目。子曰：非禮勿視，非禮勿聽，非禮勿言，非禮勿動。顏淵曰：回雖不敏，請事斯語矣。

目條件也。非禮者己之私也。勿視勿聽勿言勿動四者，人心之所以為主而勝私復禮之機也。請事斯語，言力行此四者也。制於外以養其中，為學者求仁之至要。程子曾作四箴以自警，其視箴曰：心兮本虛，應物無迹，操之有要，視為之則蔽交於前，其中則濼制之於外，以安其內。克己復禮久而誠矣，其聽箴曰：人有秉彝，本乎天性，知誘物化遂亡，其正卓彼先覺，知止有定，閑邪存誠，非禮勿聽。其言箴曰：人心之動，因言以宣，發禁躁妄，內斯靜專，矧是樞機，與戎出好，吉凶榮辱惟其所召，傷易則誕，傷煩則支，已肆物件，出悻來違，非法不道，欽哉訓辭，其動箴曰：哲人知幾，誠之於思，志十勵行，守

之於為順理則裕從欲惟危造次克念戰兢自持習與性成聖賢同歸

○仲弓問仁子曰出門如見大賓使民如承大祭己所不欲勿施於人在邦無怨在家無怨仲弓曰雍雖不敏請事斯語矣如見大賓如承大祭

敬以持己也己所不欲勿施於人恕以及物也內外無怨為仁之效也能敬能恕亦為求仁之至要

○司馬牛問仁司馬牛孔子弟子名犁向魑之弟

子曰仁者其言也訥訥忍也難也仁者心存而不放故其言若有所忍而不易發夫子以牛多言而躁故告之以此

曰其言也訥斯謂之仁矣乎子曰為之難言之得無訥乎牛意仁道至大不但

於夫子所言故夫子告之以此蓋心常存故事不苟事不苟故其言自有不得而易者也

○司馬牛問君子子曰君子不憂不懼向魑作亂牛常憂懼故夫子告之以此

曰不憂不懼斯謂之君子矣乎子曰內省不疚夫何憂何懼疚病也言

亡與無同

由其平日所為無愧於心。故能內省不疚。而自無憂懼。仁者不憂。勇者不懼。此君子養心之學也。中庸曰。君子內省不疚。所不可及者。其惟人之所不見乎。豈易言哉。

○司馬牛憂曰。人皆有兄弟。我獨亡。牛有兄弟而云然者。憂魍為亂而將死也。

子夏曰。商聞之矣。蓋聞諸夫子。

死生有命。富貴在天。莫之致而聖者命也。莫之為而為者天也。君子順受天命。但盡其在我而已。

君子敬而無失。與人恭而有禮。四海之內皆兄弟也。君子何患

乎無兄弟也。既安於命。又當脩其在己者。苟能持己以敬。而不間斷。接人以恭。而有節文。則四海之內皆愛敬之。如兄弟矣。子夏欲寬牛之憂。故發此言以曉之。

○子張問明。子曰。浸潤之譖。膚受之愬。不行焉。可謂明也已矣。

潤之譖。膚受之愬。不行焉。可謂遠也已矣。浸潤如水。浸灌滋潤。漸漬而不驟也。譖毀人之行也。膚受謂肌膚所受切近之災也。

愬。愬己之冤也。毀人者。漸漬而不驟。則聽者不覺其入。而信之深矣。愬。冤者。急迫而切身。則聽者不及致詳而發之暴矣。蓋聽言亦窮理之學。能免二者之欺。非但為明。其知識高遠人莫能及。

○子貢問政。子曰。足食。足兵。民信之矣。足食。足兵。言倉廩實而武備脩也。民信者。教化行而民信於上。不離叛也。